

采芳隨筆卷二十四

北平查 彬伯墊輯

龍鬚草一名石龍芻一名龍修一名龍華一名龍珠一名
懸莞一名草續斷一名縉雲草一名方賓一名西王母
簪叢生狀如粽心草及鳧茈苗直上夏月莖端生小穗
花結細實並無枝葉可以織席賈超之山多生之太白
句云莫捲龍鬚席從他生網絲

龍常草一名粽心草生河水旁狀如龍芻可為席似卽爾
雅所謂薄鼠莞也

芴饒一名翹饒蔓生莖如勞豆而細葉似蒺藜而青莖葉

綠色可生食如小豆藿也陳風邛有旨苕

鵲爾雅鵲綬注小草有雜色似綬陳風邛有旨鵲疏綬草也

莫一名酸迷一名乾絳莖大如箸赤節節一葉似柳厚而長有毛刺縑以取繭緒可以為羹魏風言采其莫

蒿一名燕薈大葉白華根如指白可啖爾雅云蒿蒿赤者為蒿爾雅云蒿蒿茅小雅言采其蒿

芑似苦菜莖青白色摘其葉有白汁脆可生食亦可為茹西河燕門尤美小雅薄言采芑

藟爾雅云牛藟高尺餘方莖葉長而銳有穗有花紫縹色

可淋以為飲

結縷爾雅云傅橫目一名鼓箏草細根如線相結兩童對
銜之手鼓中央則聲如箏

蘆爾雅茵蘆注作履苴草䟽即蒯類也中作履底

搖車爾雅云柱夫搖車蔓生細葉紫華可食華翹起搖動
俗呼翹搖車

綿馬爾雅云綿馬羊齒草細葉葉羅生而毛似羊齒江東
呼為雁齒繅者以取繭緒

昶爾雅云昶九葉注江東有草五葉共叢生一莖俗因名
為五葉即此類也

雞腸草爾雅云菽蔞縷今繫縷也味辛多生下濕坑渠之側

藟一作藟爾雅云藟蔓于一名軒于一名馬唐一名馬飯一名羊麻一名羊粟多生水中節節有根著土如結縷草堪飼馬左傳一薰一藟十年尚猶有臭

藟萆爾雅云藟萆竊衣似芹可食子如麥兩兩相合有毛著人衣俗名鬼麥

祝餘出招搖山狀如韭青花食之不飢或作桂茶條有二種出符禺山者狀如葵而赤花黃實如嬰兒舌食之使人不惑出石脆山者狀如韭而白花黑實食之已

疥

無條有二種出臯塗山者狀如橐荑葉如葵而赤背可以
毒鼠出苦山者圓葉無莖赤華不實服之不癭

黃藿出竹山狀如樗葉如麻白華赤實狀如赭浴之已疥
已肘

菁蓉出嶓冢山葉如蕙本如桔梗黑花不實食之使人無
子

薺草出崑崙之邱狀如葵味如蔥食之已勞
鐸出甘肅山葵本杏葉黃華莢實可以已曹

樵楮出脫扈山狀如葵葉而赤華莢實如櫟莢可以已癩

食之不昧

鬼草出牛首山葉如葵赤莖其秀如禾服之不憂郭景純
贊云焉得鬼草是樹是藝服之不憂樂天遺世如波滾
舟任波流滯

榮草出鼓鐙山葉如柳本如雞卵食之已風

荀草出青要山狀如薺方莖黃華赤實本如藁本服之美
人色郭景純贊云荀草赤實厥狀如菅婦人服之練色
易顏夏姬是豔厥媚三遷

葶藶出熊耳山狀如蘇赤華可以毒魚

薰草出浮山麻葉方莖赤華黑實臭如薜蘿佩之已癘

風條出休與山狀如蓍赤葉而本叢生可為簾

焉酸出鼓鐘山方莖黃華員葉而三成可為毒

葍草有二種出姑嫲山者帝女所化其葉胥成其華黃其實如菟邱服之媚於人出秦室山者狀如茱白華黑實澤如蓂蓂服之不昧郭景純贊云葍草黃華實如菟絲君子是佩人服媚之帝女所化其理難思

嘉榮出半石山虵山生而秀高丈餘赤葉赤華不實服之不霆郭景純贊云霆維天精動心駭目曷以禦之嘉榮是服所正者神用口腸腹

芮草出少莖山葉如葵赤莖白華實如蓂蓂食之不思郭

景純贊云蒿草赤莖實如萆薢食之益智忽不自覺殆
齊生知功奇於學

藜藿出太山葉如荻赤華可以已疰

藿草出大駝山狀如著而毛青華白實服之不夭可以為
腹病郭景純贊云大駝之山爰有華草青華白實食之
無夭雖不增齡可以窮老

高梁山草出高梁山狀如葵赤華莢實白柑可以走馬
雞穀出兔牀山姬山本如雞卵味酸甘食者利于人以上
二十二條見山海經

玉紅草出崑崙墟滴水島左右食其一實醉卧三百歲見

尸子

不死草出祖洲形如菰苗長三四尺人死三日以草覆之即活一株可活一人服之長生或名為養神芝見十洲記

明莖草如金燈折為燭照見鬼物形仙人甯封嘗以此草為夜燈内外有光亦名洞腹草一名照魅草採以藉足則入水不沈見東方朔別傳

吉雲草種于九景山東二千歲一花秣馬不饑

夢草似藻色紅晝縮入地夜則出懷其葉則知夢之言由一名懷夢草

却睡草一名五味草初生味甘花時酸食之使人不眠武帝時去多國獻此

瑤琨碧草瑤琨去玉門九萬里有碧草如麥割之釀酒味如醇酎飲一合三旬不醒但飲甜水即醒

地日草食之能不老東方朔落井泛紅泉得采食

鳳葵草色丹葉長四寸久食令人身輕肌滑赤松子餌之躡空草鳥哀國有掌中芥葉如松子取其子置掌中吹之

而生一吹長一尺至三尺而止然後可移于地上若不經掌中則不生食之能空中孤立足不躡地以上七條見洞冥記

壽榮草出少室金山服之令人不老取葉服之可通百神
見典術

虹草出背明國枝長一丈葉如車輪根大如轂花似朝虹
之色齊桓公伐山戎國人獻其種植于庭曰霸者之瑞
也

宵明草出背明國夜視如列燭晝則無光自消滅也

黃渠草出背明國映日如火堅韌若金食者焚身不熱

合歡草狀如蓍一株百莖晝則衆條扶踈夜則合為一莖
萬不遺一謂之神魏明帝時有之

濡豸草出方丈山葉色如紺莖色如漆細軟可縈海人織

以為席薦卷之不盈一手舒之則列坐方國之賓

莽煌出黛輿山葉圓如荷去之十步炙人衣則焦刈之為
席方冬彌溫以枝相摩則火出

芸苗草出瀛洲如菖蒲食葉則醉餌根則醒

芸蓬草出員嶠山色白如雪一枝二丈夜視有白光可以
為杖以上八條見拾遺記

銅鼓草其實如瓜療瘡瘍毒見桂海虞衡志

珊瑚鞭叢生澗壑中葉深綠初秋拔莖長二三尺徧莖布
小花花色殷似珊瑚更紅俗名金線海棠又名狀元鞭
見黃山志

紅蓆草出海中浮鵠山此草常有紅鳥居下故名梁武帝時山中女官道士曾遣使獻紅蓆云見南史

鹹草出扶桑東千餘里有女國食鹹草如禽獸草葉如邪蒿而氣香味鹹見南史扶桑傳

睡草出桂林見之則令人睡一名醉草亦呼嬾婦箴龍芻出東海島龍川穆天子養八駿處也馬食之一日千里古語云一株龍芻化為龍駒

蓆具草一名蓆箕一名塞路一名塞蘆生北方古詩云千里蓆具王建蓆箕簾詩云單于不敢南牧馬蓆箕遍滿天山下

新考
卷三
相思草生秦趙間狀如石竹節節相續一名斷腸草一名
愁婦草一名霜草一名寮莎

活人草出西方日支國有八死者覆面即活

懸腸草一名思子蔓南中呼為別離草以上見述異記

護門草出常山北冥諸門上夜有人過輒叱之一名百靈

草梁王節甫句云霜被守宮槐風驚護門草

迎涼草碧色簞如苦竹葉細如杉雖枯不凋盛暑挂牕戶

間涼風自生宋章得象句云已持屏避暑更乞草迎涼

左行草使人無情范陽長貢

青草槐出龍陽縣裨牛山南叢生高尺餘仲夏發花若金

燈一本云迄千秋

野狐絲蔓生色白花微紅大如栗

望舒草出扶支國紅色葉如蓮月出則舒月沒則卷

蜜草出北天竺國蔓生大葉頭上有毛毛中生蜜秋冬不死因受霜露遂成蜜如塞上蓬鹽一名給勃一名羊刺

交河沙中高昌西番撒馬兒罕皆生之

老鴟瓜籬葉如牛蒡而美子熟色黑狀如瓜籬

鴨舌草生水中似蓴

銅匙草生水中葉如剪刀

水耐冬經冬在水不死成式於城南村墅池中有之

二賴草如金色生于高崖中弩射之魅藥中最切

油點草葉似蒼蓮每葉上有黑點相對

天芋生終南山中葉如荷而厚以上十四條見酉陽雜俎
金光草葉如芭蕉花黃光可以鑑食之化形靈元壽與天
齊謝元卿至東岳夫人見所居異草也見廣異記太白
句云願餐金光草壽與天齊傾

元鹿草生于名山人跡不到處烹而食之壽二千歲見道
篇

鶴子草蔓生形如飛鶴翅羽嘴距無不畢脩南人云是媚
草甚神可比懷子夢芝采之曝乾以代面脂有雙蟲常